

ხ ე ლ შ ე კ რ უ ლ ე ბ ა № 82
სახელმწიფო შესყიდვის შესახებ
ელექტრონული ტენდერი აუქციონის გარეშე
სამუშაოს შესყიდვა

ზესტაფონი

13/ივნისი/2017

ერთის მხრივ, ზესტაფონის მუნიციპალიტეტის გამგეობა, წარმოდგენილი გამგებლის ტარიელ თუთარაშვილის სახით (მისამართი: ქ. ზესტაფონი წერეთლის ქ. №11 (შემდგომში – შემსყიდველი) და მეორეს მხრივ შ.პ.ს. „საპოვნელა +“ წარმოდგენილი მისი დირექტორის ამირან სირაძის მიხედვით პირი გერონტი ნიკაჭაძე (რწმუნება N170517886) , სახით (მისამართი ზესტაფონი, აღმაშენებლის ქ.85 (შემდგომში-შემსრულებელი) ვმოქმედებთ რა საქართველოს მოქმედი კანონმდებლობის, მათ შორის „სახელმწიფო შესყიდვების შესახებ“ საქართველოს კანონისა და აუქციონის გარეშე ჩატარებულ ელექტრონულ ტენდერში NAT170004223 გამარჯვებული შემსრულებლის სატენდერო წინადადების საფუძველზე, ვდებთ წინამდებარე ხელშეკრულებას შემდეგზე.

მუხლი 1. ხელშეკრულებაში გამოყენებული ტერმინთა განმარტება

- 1.1** “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) - შემსყიდველ ორგანიზაციასა და ელექტრონულ ტენდერში აუქციონის გარეშე გამარჯვებულს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2** “ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3** “შემსყიდველი ორგანიზაცია” (შემდგომ “შემსყიდველი”) – ორგანიზაცია (დაწესებულება), რომელიც ახორციელებს შესყიდვას;
- 1.4** “შემსრულებელი” – პირი, რომელმაც მოიპოვა გამარჯვება ელექტრონულ ტენდერში აუქციონის გარეშე და ახორციელებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5** “დღე”, “კვირა”, “თვე” – კალენდარული დღე, კვირა, თვე.
- 1.6** „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

2.1. სამუშაოს შესყიდვა კლასიფიკატორის კოდი 45233000 - დაფინანსების წყარო –საქართველოს მთავრობის 24.03.2017 წლის N 569 განკარგულებით სახელმწიფო ბიუჯეტით 60,2 % და 2017 წლის ადგილობრივი ბიუჯეტის თანადაფინანსებით 39,8 %.

მუხლი 3. შესყიდვის ობიექტი

3.1. შესყიდვის ობიექტი – ზესტაფონის მუნიციპალიტეტში სოფ. ტყლაპივავის სასოფლო გზის რეაბილიტაცია ც/ბეტონით და სოფ. ზედა საქარაში ნინოშვილის ქუჩის გაგრძელებაზე ფერამეხების უბანში არსებული ადმინისტრაციულ შენობამდე მისასვლელი გზის ც/ბეტონით სარეაბილიტაციო სამუშაოების შესყიდვა დანართი N1-ის, დანართი-2-ის და დანართი N3-ის შესაბამისად (თან ერთვის ხელშეკრულებას და წარმოადგენს მის განუყოფელ ნაწილს).

მუხლი 4. ხელშეკრულების საერთო ღირებულება

- 4.1. სამუშაოების ფასი განისაზღვრება ეროვნულ ვალუტაში –ლარებში.
- 4.2. სამუშაოების საერთო ღირებულებაა 598460 ლარი, მათ შორის სახელმწიფო ბიუჯეტის სახსრებით 360292,92 ლარი და ადგილობრივი ბიუჯეტის სახსრებით 238187,8 ლარი. (საქართველოს კანონმდებლობით გათვალისწინებული სამუშაოს შესრულებასთან დაკავშირებული ყველა ხარჯისა და გადასახადის გათვალისწინებით)
- შემსყიდველი

შემსრულებელი

4.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა და სახელმწიფო შესყიდვების შესახებ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 5. მხარეთა უფლებები და ვალდებულებები

5.1. შემსყიდველი ვალდებულია:

- ა) უზრუნველყოს ობიექტის მზადყოფნა სამუშაოების დასაწყებად;
- ბ) უზრუნველყოს ხელშეკრულების შესრულების კონტროლი;
- გ) განახორციელოს წინამდებარე ხელშეკრულებით მასზე დაკისრებული სხვა ვალდებულებები.

5.2. შემსყიდველი უფლებამოსილია:

- ა) ნებისმიერ დროს განახორციელოს შემსრულებლის მიერ ნაკისრი ვალდებულებების შესრულებისა და ხარისხის ინსპექტირება.
- ბ) შემსრულებლის მიერ ვალდებულებების შეუსრულებლობის ან არაჯეროვნად შესრულების შემთხვევაში მოსთხოვს შემსრულებელს ნაკლის აღმოფხვრა.
- გ) შემსყიდველი უფლებამოსილია ხელშეკრულების მიმდინარეობის ნებისმიერ ეტაპზე თავისი შეხედულებისამებრ საკუთარი ხარჯებით ჩაატაროს ექსპერტიზა ხარისხობრივ და მოცულობით მაჩვენებლებზე. (ექსპერტიზის ჩატარების ვადა არ ჩაითვლება სახელშეკრულებო ვადაში.)

5.3. შემსრულებელი ვალდებულია:

- ა) სამუშაოების შესრულება დაიწყოს ხელშეკრულების გაფორმებიდან 05 (ხუთი) კალენდარული დღის ვადაში ორივე ობიექტზე ერთდროულად და უზრუნველყოს წინამდებარე ხელშეკრულებით გათვალისწინებული სამუშაოს შესრულება კვალიფიციური პერსონალით, სამშენებლო ნორმების და წესების დაცვით.
- ბ) მოსამზადებელი სამუშაოების დაწყება შეთანხმებული უნდა იყოს მუნიციპალიტეტის შესაბამის სამსახურთან.
- გ) სამუშაოები ჩაატაროს სატენდერო დოკუმენტაციით გათვალისწინებული მოცულობების, ნახაზებისა და პირობების შესაბამისად წარმოადგინოს სამუშაოთა შესრულების შესახებ ფორმები, რომლებიც ასახავენ შესრულებული სამუშაოს მოცულობასა და ღირებულებას (შემდგომში „ფორმა N2“).
- დ) სამუშაოთა წარმოების ნორმების მიხედვით, ყოველდღიურად აწარმოოს სამუშაოთა წარმოების ზონარგაყრილი ჟურნალი დანომრილი ხელშეკრულების ორივე მხარის მიერ დამოწმებული, რომელშიც შეტანილ იქნება მასალებისა და შესრულებული სამუშაოს ხარისხის კონტროლი და მიღებული შედეგები.
- ე) უზრუნველყოს ხელშეკრულებით გათვალისწინებული სამუშაოების შესრულება კალენდარული გეგმა-გრაფიკის მიხედვით, რომელიც აგრეთვე გამოსახული უნდა იყოს თანხობრივად (ლარებში);
- ვ) სამუშაოს დასრულების შემდეგ შემსრულებელი თავისი ძალებით და სახსრებით 10(ათი) დღის ვადაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისგან, მასალებისგან, დროებითი ნაგებობებისგან, სამშენებლო ნარჩენებისაგან.
- ზ) სამუშაოს პროცესში შემსრულებელი ვალდებულია მინიმუმამდე დაიყვანოს მუშაობით გამოწვეული ეკოლოგიური ზემოქმედების, ხმაურის, ვიბრაციისა და მტვრის გავლენა და შეასრულოს სამუშაოები შრომის უსაფრთხოების წესების დაცვით.
- თ) შემსრულებელი ვალდებულია სათანადოდ დაიცვას სამუშაოების შესრულების ადგილის მიმდებარედ შენობა-ნაგებობა, დანადგარი, კომუნიკაციები დაზიანებისაგან და გაფუჭებისგან ხელშეკრულების მოქმედების პერიოდში. შემსრულებელმა უნდა მიიღოს ყველა საჭირო ზომა შენობის, ნაგებობის, შიდასადგენების, კაბელების, კანალიზაციის და სხვა კომუნიკაციების დასაცავად. საინჟინრო ნაგებობების დაზიანების შემთხვევაში შემსრულებელი ვალდებულია აღდგენითი სამუშაოები ჩაატაროს საკუთარი ხარჯებით. (ხიდი, ბოგირი, გზა და ა.შ.)

შემსყიდველი

შემსრულებელი

ი) სამუშაოების მიმდინარეობის პროცესში უზრუნველყოს შრომის უსაფრთხოების ტექნიკის დაცვა, საინფორმაციო ბანერის დაყენება და დამცავი გამაფრთხილებელი თვალსაჩინოების და სინათლის ამრეკლი შუქნიშნების დაყენება. აუცილებელია უსაფრთხოების ტექნიკის, საწარმოო სანიტარიისა და ხანძარსაწინააღმდეგო წესების დაცვა. უზრუნველყოს სამუშაო ადგილის ფარგლებში მდებარე ხეებისა და მცენარეების სიცოცხლისუნარიანობა, ეკოლოგიური ზემოქმედების მინიმუმამდე დაყვანა.

კ) სამუშაოს შესრულების პროცესში „შემსრულებელმა“ მიწისზედა და მიწისქვეშა საინჟინრო კომუნიკაციების (წყლის, ბუნებრივი აირის, კავშირგაბმულობისა და ელექტროენერგიის) შესაბამის სამსახურთან (საჭიროების შემთხვევაში) მოახდინოს შეთანხმება.

ლ) გეგმა-გრაფიკის ვადის გადაცილების შემთხვევაში შემსრულებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0,01%.

მ) გეგმა-გრაფიკის განმეორებით დარღვევის შემთხვევაში შემსყიდველი იტოვებს უფლებამოსილებას, დარღვევა ჩაუთვალოს ხელშეკრულების პირობების შეუსრულებლობად და დააკისროს პირგასამტეხლო ხელშეკრულების ჯამური ღირებულების 0,02 % ამ ხელშეკრულების შესაბამისად.

ნ) განახორციელოს ფარული სამუშაოების ვიდეო და ფოტო გადაღება. სამუშაოთა წარმოების ყველა ის ეტაპი, რომელიც ითვლება დაფარულ სამუშაოდ „შემსრულებელი“ ვალდებულია დაისწროს „შემსყიდველის“ შესაბამისი კომისიის წარმომადგენლები. „შემსყიდველის“ ინფორმირება აღნიშნული წარმომადგენლების გამოყოფის შესახებ უნდა უზრუნველყოს თავად „შემსრულებელმა“ წინააღმდეგ შემთხვევაში, შესრულებული სამუშაოები, შემსყიდველი“-ს მხრიდან არ ანაზღაურდება, თავის მხრივ კომისიის წევრები ვალდებული არიან დროულად უზრუნველყონ დაფარული სამუშაოების მიმდინარეობაზე დასწრება და აღრიცხვა, რათა ხელი არ შეეშალოს „შემსრულებელმა“ სამუშაოთა დროულად და ეფექტურად განხორციელებაში.

5.4. შემსრულებელი უფლებამოსილია:

ა) მოსთხოვოს შემსყიდველს ობიექტის მზადყოფნა სამუშაოების დასაწყებად.

ბ) მოსთხოვოს შემსყიდველს ხელშეკრულების საგნის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

მუხლი 6. შესყიდვის ობიექტის ხარისხი და გარანტია

6.1. შემსრულებელი იძლევა გარანტიას, რომ შესრულებული სამუშაოს ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

6.2. შესრულებული სამუშაოს საგარანტიო ვადა ვრცელდება საბოლოო მიღება-ჩაბარების აქტის გაფორმებიდან 3 წლის განმავლობაში.

6.3. სამუშაოს დასრულებიდან 3 წლის განმავლობაში რაიმე წუნის აღმოჩენის შემთხვევაში, თუ დადგინდება, რომ აღნიშნული წუნი გამოწვეულია შემსრულებლის მიზეზით, შემსრულებელი ვალდებულია აღდგენითი სამუშაოები უზრუნველყოს საკუთარი ხარჯებით შემსყიდველის წერილობითი შეტყობინების შესაბამისად.

6.3. ამ მუხლის 6.2 პუნქტით განსაზღვრულ საგარანტიო ვადის განმავლობაში შემსყიდველის (წარმომადგენლები, მოწვეული ექსპერტი) მიერ წუნის გამოვლენის შემთხვევაში, შემსრულებელი ვალდებულია შემსყიდველის წერილობითი შეტყობინებით დადგენილ ვადებში მოახდინოს წუნის გამოსწორება.

6.4. „შემსრულებელმა“ უნდა წარმოადგინოს ხარისხის საკონტროლოდ გამოყენებული ც/ბეტონის ნარევის მარკიანობის ლაბორატორიული დასკვნა, ცემენტის სერტიფიკატი, გზის საფარიდან ამოჭრილი ც/ბეტონის ნიმუშის გამოცდის შედეგები. (მათი ხარისხი უნდა შეესაბამებოდეს საპროექტო დოკუმენტაციით განსაზღვრულ ნორმებს.

6.5. ექსპერტიზისათვის წარსადგენი გზის საფარიდან ამოჭრილი ბეტონის ნიმუშის ამოღება და დალუქვა უნდა განხორციელდეს მომწოდებლის ექსპერტიზის ჩამტარებელი პირის და შემსყიდველის წარმომადგენლის თანდასწრებით. აღნიშნული პროცესის მიმდინარეობა დადასტურებული უნდა იქნას ფოტოდავით გადღებით.

6.6. შემსრულებელს მოეთხოვება სამუშაოების მაღალი ხარისხით, სტანდარტებით და ნორმების დაცვით შესრულება. შემსყიდველი

შემსრულებელი

მუხლი 7. ხელშეკრულების შესრულების საგარანტიო უზრუნველყოფა

7.1. შემსრულებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმის, ხელშეკრულებით გათვალისწინებული ვადების დარღვევის, ვალდებულებების უხარისხოდ, არაჯეროვნად, არასრულად შესრულების და სხვა) შემთხვევაში, შემსრულებელს საბანკო (სადაზღვევო) გარანტიით გათვალისწინებული თანხა არ დაუბრუნდება.

7.2. ხელშეკრულების შესრულების საგარანტიო უზრუნველყოფაზე ს.ს. „არდი დაზღვევა“ (ს/კ: 404858631) მიერ 06.06.2017 დათარიღებული, შემსრულებელზე გაცემული საბანკო გარანტიის N CPB/17-994840 ღირებულება შეადგენს ხელშეკრულების ღირებულების 5%-ს, თანხებში გამოსახული 29 923 (ოცდაცხრა ათას ცხრაას ოცდასამი) ლარს.

7.3. ხელშეკრულების შესრულების საგარანტიო უზრუნველყოფაზე ს.ს. „არდი დაზღვევა“ (ს/კ: 404858631) მიერ 06.06.2017 დათარიღებული, შემსრულებელზე გაცემული საბანკო გარანტია N CPB/17-994840 ძალაშია 2017 წლის 02 დეკემბრის ჩათვლით.

მუხლი 8. შესყიდვის ობიექტის მიწოდების ვადები და ადგილი

8.1. მომსახურების მიწოდების ვადა განისაზღვრება მხარეთა მიერ ხელშეკრულებაზე ხელისმოწერის დღიდან 2017 წლის 11 სექტემბრის ჩათვლით.

8.2. სამუშაოს შესრულების ადგილი – ზესტაფონის მუნიციპალიტეტი სოფ. ტყლაპივაკე და სოფელი ზედა საქარა.

მუხლი 9. ხელშეკრულების შესრულების კონტროლი

9.1. შემსყიდველის მიერ ხელშეკრულების შესრულების კონტროლი (მათ შორის ტექნიკური ზედამხედველობა) განხორციელდება საქართველოში მოქმედი ყველა სამშენებლო ნორმების, სტანდარტებისა და წესების შესაბამისად, პერიოდულად, როგორც სამუშაოს შესრულების დროს, ისე ამ ხელშეკრულების მოქმედების პერიოდში, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნასთან.

9.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს შემსრულებელს დაწუნებული სამუშაოების ნაწილისა და წუნდების მიზეზების მითითებით.

9.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება შემსრულებელს, საქართველოს კანონმდებლობით გათვალისწინებული წესით.

9.4. შემსყიდველი უფლებამოსილია ნებისმიერ ეტაპზე მოითხოვოს დამატებითი დოკუმენტაცია, რომელიც დაადასტურებს შესრულებული სამუშაოების ხარისხს.

9.5. ინსპექტირებას განახორციელებენ ზესტაფონის მუნიციპალიტეტის გამგებლის 2015 წლის 05 თებერვლის N 43 280 ბრძანებით შექმნილი კომისია (ზესტაფონის მუნიციპალიტეტის გამგებლის 30/07/2015 წლის N 43 910 ბრძანება დავალების მიცემის შესახებ).

მუხლი 10. შესყიდვის ობიექტის მიღება-ჩაბარების წესი

10.1. შესრულებული სამუშაოების მიღება ფორმდება სამუშაოს შესრულების აქტით (ფორმა N2), რომელიც დადასტურდება შემსყიდველისა და შემსრულებლის მიერ საამისოდ უფლებამოსილი წარმომადგენლების ხელმოწერებით.

მუხლი 11. ანგარიშსწორების ფორმა, გრაფიკი (ვადები)


11.1. შემსრულებელთან ანგარიშსწორება განხორციელდება ლარებში.

11.2. შესრულებული სამუშაოების ღირებულების ანაზღაურება მოხდება უნაღდო ანგარიშსწორებით.

შემსყიდველი



შემსრულებელი



11.3. ანგარიშსწორება მოხდება ეტაპობრივად 80%-ის ოდენობით, (მაგრამ არანაკლები შესრულებული სამუშაოს 10 %-ისა.) შესრულებული სამუშაოების (ფორმა 2) და ინსპექტირების ჯგუფის დადებითი დასკვნის წარმოდგენის მიხედვით

11.4. საბოლოო ანგარიშსწორება (დარჩენილი 20 %-დან) განხორციელდება შესრულებული სამუშაოს ხარისხობრივ მაჩვენებლებზე სსიპ- ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ (რომელიც შეთანხმებული იქნება შემსყიდველთან) დადებითი საექსპერტო დასკვნის წარმოდგენის შემდეგ, 10 საბანკო დღის განმავლობაში.

11.5. იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, შემსრულებელმა დამატებით უნდა წარმოადგინოს ექსპერტიზის განმარტებული პირის შესაბამისი აკრედიტაციის სერთიფიკატი (აკრედიტაციის სფერო უნდა ფარავდეს მოთხოვნილ მომსახურებას) და იყოს შეთანხმებული შემსყიდველთან

11.6. ექსპერტიზის ხარჯების ანაზრაულება უნდა მოხდეს მომწოდებლის მიერ.

11.7. ექსპერტიზის დასკვნის გაცემისთვის საჭირო ვადა შემსრულებელს არ ჩაეთვლება ხელშეკრულებით გათვალისწინებული ვალდებულებების (სამუშაოს) შესრულების ვადაში.

11.8. თუ ანგარიშსწორება უნდა შესრულდეს განსაზღვრულ დღეს და ეს დღე ან ანგარიშსწორების ვადის ბოლო დღე ემთხვევა არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს.

11.9. ეტაპობრივი ან/და საბოლოო ანგარიშსწორების განხორციელების ვადები – 10 სამუშაო დღე

მუხლი 12. ხელშეკრულების შესრულების შეფერხება და ცვლილებ(ებ)ის შეტანა

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ, მაგრამ სამუშაოს ან/და მომსახურების შესრულების ან/და საქონლის მიწოდების ვადის გასვლამდე არაუგვიანეს 10 დღისა უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, დაუყოვნებლივ, (10 დღიან ვადაში) უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

12.2. ნებისმიერი შეტყობინება, წერილობითი ფორმით, მხარეთა მიერ ხელმოწერილი უნდა გაეგზავნოს მეორე მხარეს და ჩაბარდეს მისამართზე, რომელიც მითითებულია ხელშეკრულებაში.

12.3. თუ რაიმე წინასწარ გაუთვალისწინებელი მიზეზის გამო, წარმოიშობა ხელშეკრულების პირობ(ებ)ის შეცვლის აუცილებლობა, ცვლილებ(ებ)ის შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია, ამ მუხლის „11.1.“ პუნქტის შესაბამისად.

12.4. ნებისმიერი ცვლილება წინამდებარე ხელშეკრულებაში განხორციელდება წერილობითი ფორმით, ორივე მხარის უფლებამოსილი წარმომადგენლების ხელმოწერებით.

12.5. ხელშეკრულების მხარის მიერ წინამდებარე ხელშეკრულებით ნაკისრი რომელიმე ვალდებულების დარღვევა არ ჩაითვლება ბრალეულ დარღვევად, თუ აღნიშნული ვალდებულების შესრულების მიზნით, განსახორციელებელი ქმედება სავალდებულოდ საჭიროებს, რომელიმე ადმინისტრაციული ორგანოს მიერ ნებართვის, ლიცენზიის ან თანხმობის გაცემას, მაგრამ ადმინისტრაციული ორგანო არ ახდენს აღნიშნულზე ხელშეკრულების მხარის მოთხოვნის კანონმდებლობით დადგენილ ვადაში განხილვას ან უსაფუძვლოდ უარს ეტყვის ხელშეკრულების მხარეს ნებართვის, ლიცენზიის ან თანხმობის გაცემაზე;

12.6. წინამდებარე მუხლით არ მოიცავს ფორსმაჟორულ გარემოებებს და მათი რეგულირება ხდება სხვა მუხლით.

შემსყიდველი

შემსრულებელი

მუხლი 13. ხელშეკრულების პირობების შეუსრულებლობა (ხელშეკრულების შეწყვეტა)

13.1. ხელშეკრულებით განსაზღვრული პირობების დარღვევის შემთხვევაში ან ვადის გადაცილების შემთხვევაში მხარეებს ეკისრებათ პირგასამტეხლო ყოველ ვადაგადაცილებულ დღეზე ჯამური ღირებულების 0,02 % ოდენობით.

13.2. წინამდებარე ხელშეკრულება შეიძლება შეწყდეს:

ა) მხარეთა წერილობითი შეთანხმების საფუძველზე.

13.2.1. ხელშეკრულება ვადადღე ადრე შეიძლება შეწყდეს:

ა) იმ შემთხვევაში, თუ შემსრულებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3% (სამი), შემსყიდველი იტოვებს უფლებას შეწყვიტოს ხელშეკრულება და მოსთხოვოს შემსრულებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

ა.ბ) პირგასამტეხლოს გადახდა არ ათავისუფლებს შემსრულებელს ძირითადი ვალდებულებების შესრულებისაგან.

ა.გ.) შემსრულებელი ვიდრე არ აანაზღაურებს პირგასამტეხლოს, შემსყიდველს უფლება აქვს დააკავოს აღნიშნული თანხა და პირდაპირ მიმართოს მუნიციპალიტეტის ბიუჯეტში.

ბ) შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ შემსრულებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას.

გ) მოქმედი კანონმდებლობით დადგენილ სხვა შემთხვევებში.

13.3. მიმოწდებელი, ხელშეკრულების ცალმხრივად შეწყვეტის შემთხვევაში გადაიხდის ჯარიმას, ხელშეკრულებით გათვალისწინებული თანხის 20(ოცი)%-ის ოდენობით

მუხლი 14. ხელშეკრულების მოქმედების ვადა

14.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2017 წლის 20 ოქტომბრის ჩათვლით.

მუხლი 15. ხელშეკრულების პირობების გადასინჯვის შესაძლებლობა

15.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

მუხლი 16. დაუძლეველი ძალა (ფორს-მაჟორი)

16.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

16.2. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

მუხლი 17. დავები და მათი გადაწყვეტის წესი

17.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა გადაიწყვეტება გადაწყვეტილ იქნას ორივე მხარის ერთობლივი მოლაპარაკების საფუძველზე.

შემსყიდველი

შემსრულებელი



17.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი 18. სხვა პირობები

18.1. მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

18.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.


18.3. ხელშეკრულება შედგენილია ქართულ ენაზე, 03 (სამი) ეგზემპლიარად, რომელსაც აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მუხლი 19. მხარეთა იურიდიული მისამართები, რეკვიზიტები, ხელმოწერები

შემსყიდველი:

ზესტაფონის მუნიციპალიტეტის გამგებელი
ტარიელ თუთარაშვილი



TRESGE22 სახელმწიფო ხაზინა
ხაზინის ერთიანი ანგარიში 3001900000
ს/კოდი: 230087045
მის: ზესტაფონი, წერეთლის ქ. № 11
ტელ: 0(492)252626

შემსრულებელი:

შ.პ.ს. „საპოვნელა +“
დირექტორი
ამირან სირაძე

სს „ხალიკ ბანკი საქართველო“
ბანკის კოდი HABGGE22
ა/ა GE44HB0000000000403605
ს/კოდი 230085305
მის: ზესტაფონი, აღმაშენებლის ქ. N85
მობ: 599086 744; 599 086 703



ვიზის ავტორები:

მალხაზ მაჭავარიანი

ტარიელ სახელაშვილი

ვიტალი ჩინჩალაძე

ნიკოლოზ ბარბაქაძე

მამუკა მახათაძე



ახილი
დაგეგმვა

დამტკიცებული ფორმა FRI.03 (version 12.02)

ხელშეკრულების შესრულების საგარანტიო უზრუნველყოფა საბანკო გარანტია

№ CPB/17-994840 06.06.2017წ.

ვის: თვითმმართველ ერთეულ ზესტაფონის მუნიციპალიტეტს

მხედველობაში ვიღებთ რა, რომ შპს საპოვნელა+, ს/კ 230085305 (შემდეგ – „მიმწოდებელი“) გამოცხადდა გამარჯვებულად ზესტაფონის მუნიციპალიტეტში სოფ. ტყლაპივაკის, ზედა საქარაში ნინოშვილის ქუჩის გაგრძელებაზე ფერადების უბანში არსებულ ადმინისტრაციულ შენობამდე მისასვლელი გზის სარეაბილიტაციო სამუშაოებზე გამოცხადებულ ტენდერში (NAT170004223), წარმოგიდგენთ საბანკო გარანტიას, რათა უზრუნველყოფილ იქნეს მიმწოდებლის მიერ ნაკისრი სახელშეკრულებო ვალდებულების შეუსრულებლობის შემთხვევაში თქვენთვის მიყენებული ნებისმიერი პირდაპირი ზიანის ანაზღაურება. ამასთან დაკავშირებით,

ვადასტურებთ, რომ:

ვართ გარანტი და ამ საბანკო გარანტიის გაცემით ვკისრულობთ საგარანტიო ვალდებულებას, თქვენი პირველივე მოთხოვნისთანავე გადაგიხადოთ საგარანტიო თანხა 29,923 (ოცდაცხრა ათას ცხრაას ოცდასამი) ლარის ფარგლებში, მიმწოდებლის მიერ სახელშეკრულებო ვალდებულებების შეუსრულებლობის შემთხვევაში. ამასთან, საგარანტიო ანაზღაურების მოთხოვნა უნდა წარმოგვედგინოს ამ საბანკო გარანტიის მოქმედების ვადაში: მოთხოვნის წარდგენის დღედ ითვლება მოთხოვნის უშუალოდ გარანტთან (მის.: ქ. თბილისი, ვაჟა-ფშაველას გამზ. №3) ჩაბარების დღე; დაუშვებელია მოთხოვნის ელექტრონულად, ფაქსით ან სხვა საშუალებით წარდგენა.

ეს გარანტია ძალაშია 06.06.2017 -დან 02.12.2017-მდე.



მაია ქამუშაძე
მომსახურებისა და მონიტორინგის
დეპარტამენტის უფროსი

დანართი №1

ქ. ზესტაფონი-ქვედა საზანო-ტყლაპივაკე საავტომობილო გზის რეაბილიტაცია

N	სამუშაოს დასახელება	განზ. ერთ.	რაოდენობა	ერთ. ფასი	სულ
1	3	4	6		13
	თავი 1. ტერიტორიის ათვისება და მოსამზადებელი სამუშაოები				
1	ტრასის აღდგენა და დამაგრება	კმ	1.800	550.00	990.00
2	კიუვეტებისა და გვერდულების გაწმენდა ეკალ-ბარდებისაგან (გატანა 100მდე და დაწვა)	1 კა	0.500	400.00	200.00
	ამომხირკველი-მოშვროვებელი ტრაქტორით 80 ცხ. ძ	მ/ხ	1.46	52.00	75.92
	სხვა მანქანები	ღარი	0.06	14.40	0.86
3	არსებული კიუვეტების გაწმენდა დანალექი ქანებისაგან ხელით	მ3	10.00	10.00	100.00
4	გრუნტის დატვირთვა ხელით ა/თვითმცლელზე	მ3	10.00	25.00	250.00
5	გრუნტის გატანა ნაყარში 3 კმ-ზე (10X1.9=19)ტნ	ტნ	19.00	5.00	95.00
1	III კატ. გრუნტის დამუშავება ექსკავატორით ჩამჩის მოცულობით 0.65 მ3 ა/მ დატვირთვით	მ3	1550.00	1.00	1550.00
	ექსკავატორი ჩამჩის ტევადობით 0.65 მ3	მ/ხ	55.96	15.00	839.40
2	III კატეგორიის გრუნტის დამუშავება ხელით	მ3	200.00	10.00	2000.00
3	გრუნტის დატვირთვა ხელით ა/თვითმცლელზე	მ3	200.00	25.00	5000.00
4	გრუნტის გატანა ნაყარში 3 კმ-ზე (1750X1.9=3325)ტნ	ტნ	3325.00	5.00	16625.00
1	საფუძვლის შემასწორებლად ფრაქციული ღორღი 0-40 მმ სისქით 10 სმ 9075X0.1X1.26	მ2	9075.00	1.00	9075.00
	ბუღდოზერი 108 ცხ. ძ	მ/ხ	21.32625	15.00	319.89
	ავტოგრეიდერი 79 კმტ	მ/ხ	3.27	25.00	81.75
	სატკეპნი საგზაო 10 ტ	მ/ხ	96.20	12.00	1154.40
	სატკეპნი საგზაო 16 ტ	მ/ხ	216.89	14.00	3036.46
	მოსარწყავი მანქანა 6000 ლ	მ/ხ	23.60	10.00	236.00
	ქვის ნამტვრევების მანაწილებელი მანქანა	მ/ხ	5.17	12.00	62.04
	ღორღი	მ3	1143.45	12.00	13721.40
2	ქვიშის შემასწორებელი ფენა საშ. სისქით 2სმ, k=1.2	მ3	326.70	1.00	326.70
	ავტოგრეიდერი 79 კმტ	მ/ხ	5.06	25.00	126.50
	სატკეპნი საგზაო 16 ტ	მ/ხ	5.36	14.00	75.04
	მოსარწყავი მანქანა 6000 ლ	მ/ხ	2.97	10.00	29.70
	ქვიშა	მ3	326.70	15.00	4900.50
3	M-300 მარკის მონტაჟითური ბეტონის საფარის მოწყობა სისქით 16 სმ	მ2	9075.00	1.00	9075.00
	ტრაქტორი მუხლუხა ხელაზე 108 ცხ. ძ.	მ/ხ	165.17	16.00	2642.72

1	3	4	6	13	
	ამწე საავტომობილო სვლაზე 6.3ტნ	მ/ს	20.66	16.00	330.56
	ბეტონის გამანაწილებელი და მოსაპირკეთებელი მანქანა	მ/ს	165.17	30.00	4955.10
	ბეტონი M-300	მ3	1473.78	106.00	156220.68
	სხვა მასალები	ლარი	406.56	5.00	2032.80
4	მისაყრდელი გვერდულების მოწყობა ქვია-ხრეშოვანი ნარევით სისქით 16სმ, k=1.22	მ3	703.00	1.00	703.00
	აგროგრეიდერი 79 კვტ	მ/ს	10.90	25.00	272.50
	სატკეპნი საგზაო 16 ტ	მ/ს	11.53	14.00	161.42
	მოსარწყავი მანქანა 6000 ლ	მ/ს	6.40	10.00	64.00
	ქვიშა-ხრეშოვანი ნარევი	მ3	703.00	9.00	6327.00
5	ეზოვებში შესასვლელების მოწყობა ქვია-ხრეშოვანი ნარევით სისქით 16სმ, k=1.22	მ3	53.70	1.00	53.70
	აგროგრეიდერი 79 კვტ	მ/ს	0.83	25.00	20.75
	სატკეპნი საგზაო 16 ტ	მ/ს	0.88	14.00	12.32
	მოსარწყავი მანქანა 6000 ლ	მ/ს	0.49	10.00	4.90
	ქვიშა-ხრეშოვანი ნარევი	მ3	53.70	9.00	483.30
	წყალი	მ3	3.76	3.00	11.28
6	მიერთებები მოწყობა ქვიშა-ხრეშოვანი ნარევით სისქით 16სმ, k=1.22	მ3	44.00	1.00	44.00
	აგროგრეიდერი 79 კვტ	მ/ს	0.68	25.00	17.00
	სატკეპნი საგზაო 16 ტ	მ/ს	0.72	14.00	10.08
	მოსარწყავი მანქანა 6000 ლ	მ/ს	0.40	10.00	4.00
	ქვიშა-ხრეშოვანი ნარევი	მ3	44.00	9.00	396.00
	წყალი	მ3	3.08	3.00	9.24
	ჯამი	ლარი			244722.92
	ზედნადები ხარჯები	8%			19577.83
	ჯამი	ლარი			264300.75
	სახარჯთაღრიცხვო მოგება	6%			15858.05
	ჯამი	ლარი			280158.80
	გაუთვალისწინებელი ხარჯები	3%			8404.76
	ჯამი	ლარი			288563.56
	დღგ	18%			51941.44
	სულ ხარჯთაღრიცხვით	ლარი			340505.00

„საპოვნელა“-ის დირექტორი:

/ამირან შირაძე/

ზესტაფონის მუნიციპალიტეტის გამგებელი

/ტ.თუთარაშვილი/

შეთანხმებულია ინფრასტრუქტურის, კეთილმოწყობისა და საზოგადოებრივი მომსახურების სამსახურის უფროსთან ნიკოლოზ ბარბაქაძესთან 6.11.17

გაქვეყნებულია №


Այս փոփոխությունների արդյունքում:

/ტ.თუთარაშვილი/

შეთანხმებულია ინფრასტრუქტურის, კეთილმოწყობისა და საზოგადოებრივი მომსახურების სამსახურის უფროსთან ნიკოლოზ ბარბაქაძესთან 6.10.2021

სოფელი ტყლაპიჯი - სოფელი ზედა საქარა
შესრულების მომდინარეობის კალენდრული გეგმა-გრაფიკი

სამუშაოების დასახელება	სამუშაოების ხანგრძლივობა		
	I-თვე	II-თვე	III-თვე
სოფელ ტყლაპიჯის სასოფლო გზა			
მოსამზადებელი სამუშაოები	2500 ლ		
გზის საფუძვლის მოწყობა	16000 ლ	23900 ლ	
ბეტონის საფარის მოწყობა		145000 ლ	153105 ლ
სოფელ ზედა საქარაში წინმოვილის ქუჩის გაგრძელებაზე ფერადი უბანის მოწყობის ადმინისტრაციულ შენობამდე მისასვლელი გზა			
მოსამზადებელი სამუშაოები	9200 ლ		
სავალი ნაწილის მოწყობა		15000 ლ	60000 ლ
გვერდულები და ტემპერატურული ნაკერები			15400 ლ



სამუშაოების ხანგრძლივობა

ზესტაფონის მუნიციპალიტეტის გამგებელი

სოფელ ტყლაპიჯის სასოფლო გზა

ზეთანხმებულია ინფრასტრუქტურის, კეთილმოწყობის და საზოგადოებრივი მომსახურების სამსახურის უფროსთან ნიკოლოზ ბარბაქაძესთან ნ. ბარბაქაძე

სანოტარო მოქმედების ინდივიდუალური ნომერი



58088731924617

საქართველო



სანოტარო მოქმედების დასახელება
რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

N170517886



რეგისტრაციის თარიღი

15.05.2017 წ

ნოტარიუსი: ნინო ფერაძე

მისამართი: ქ.ზესტაფონი,წერეთლის ქ.#8

ტელეფონი: 0492251084, მობ.599492485

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: www.notary.ge ასევე შეგიძლიათ დარეკოთ ტელეფონზე: +995(32) 2 66 19 18

სანოტარო აქტი

საქართველო

ორი ათას ჩვიდმეტი წლის თხუთმეტ მაისს მე ნოტარიუსს ნინო ფერაძეს, ჩემს სანოტარო ბიუროში, რომელიც მდებარეობს მისამართზე: ქ. ზესტაფონი, წერეთლის ქ. №8 პირველი სართული მომმართა შპს „საპოვნელა“-ს დირექტორმა ამირან სირაძემ, რომელმაც განაცხადა, რომ სურს შეადგინოს მინდობილობა, რომლითაც შესაბამის უფლებამოსილებას მინიჭებს გერონტი ნიკაჭაძეს. მე დავადგინე მისი პირადობა მის მიერ წარმოდგენილი პირადობის დამადასტურებელი დოკუმენტებით და დავრწმუნდი, რომ მე ნამდვილად ამირან სირაძემ დაბადებული 11.08.1952 წელს, თერჯოლაში, პირადი №01011007980, რეგისტრირებული მისამართი ქ. თბილისი, ბერი გაბრიელ სალოსის VII შეს. №10, ბინა 35, მომმართა. მე შევამოწმე მისი ქმედუნარიანობა და დავრწმუნდი, რომ მის ქმედუნარიანობაში ეჭვის შეტანის საფუძველი არ მქონდა მე შევამოწმე ამირან სირაძის უფლებამოსილება, იგი უფლებამოსილია წარმოადგინოს შპს „საპოვნელა“-ს, თანახმად ამონაწერისა მეწარმეთა და არასამეწარმეო (არაკომერციულ) იურიდიულ პირთა რეესტრიდან მომზადების თარიღი 28.04.2017 წელს, განაცხადის რეგისტრაციის ნომერი B17047286. მე დავადგინე მისი ნების გამოსატვის ნამდვილობა და მინდობილობის შინაარსი. შემდეგ შევადგინე მინდობილობა. ამირან სირაძემ წაიკითხა მინდობილობა მკაფიოდ და ნათლად განაცხადა, რომ მინდობილობა ზუსტად გამოხატავს მის ნებას და ჩემი თანდასწრებით მოაწერა ხელი მას.

მინდობილობა

ორი ათას ჩვიდმეტი წლის თხუთმეტ მაისს შპს „საპოვნელა“-ს (საიდენტიფიკაციო კოდი №230085305 იურიდიული მისამართი ქ. ზესტაფონი, აღმაშენებლის ქუჩა №85) დირექტორმა ამირან სირაძემ, რომელიც ამ მინდობილობაში შემდეგში მოხსენიებულია როგორც "მინდობი" გერონტი ნიკაჭაძეს დაბადებული 24.04.1970 წელს ზესტაფონში, პირადი №18001043056, რეგისტრირებული მისამართი ზესტაფონი, სოფელი პირველი სვირი, 29-ე II ჩიხი №5, რომელიც ამ მინდობილობაში შემდეგში მოხსენიებულია როგორც "მინდობილი პირი" მიანიჭა შემდეგი უფლებამოსილება:

იყოს შპს „საპოვნელა“-ს წარმომადგენელი ნებისმიერ ფიზიკურ და იურიდიულ პირებთან, სახელმწიფო და არასახელმწიფო ორგანიზაციებთან, სსიპ შემოსავლების სამსახურში, მეწარმეთა და არასამეწარმეო (არაკომერციულ) იურიდიულ პირთა რეესტრში, ადგილობრივ თვითმმართველობისა და მმართველობის ორგანოებში, მუნიციპალიტეტებში, იუსტიციის სახლში, სანოტარო ბიუროებში, შპს „საპოვნელა“-ს სახელით დადოს ხელშეკრულებები, განსაზღვროს ხელშეკრულების პირობები თავისი შეხედულებისამებრ, აწარმოოს მოლაპარაკებები ნებისმიერ პირებთან. მიიღოს გადაწყვეტილებები, ხელი მოაწეროს ყველა საჭირო დოკუმენტაციას/ხელშეკრულებას/შეთანხმებას და შეასრულოს ყველა სხვა მოქმედება, რაც დაკავშირებული იქნება აღნიშნული დავალებების შესრულებასთან.

მინდობილობა გაცემულია განსაზღვრული ვადით და ძალაშია 2017 წლის 31 დეკემბრის ჩათვლით

მინდობილობა გაცემულია სამ თანაბარმნიშვნელოვან ეგზემპლარად, რომელთაგან ერთი ინახება ნოტარიუსს ნინო ფერაძის არქივში, ხოლო დანარჩენი გადაეცა მიმნდობს.

მინდობილობის იმ ეგზემპლარს, რომელიც ინახება ნოტარიუს ნინო ფერაძის არქივში, თან ერთვის დანართი ერთი დოკუმენტი:

ა) ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან მომზადების თარიღი 28.04.2017 წელს, განაცხადის რეგისტრაციის ნომერი B17047286.

გადახდილია საზღაური სანოტარო მოქმედების შესრულებისათვის 10 ლარი და ელექტრონულ სანოტარო რეესტრში სანოტარო მოქმედების რეგისტრაციის საფასური 2 ლარი, სულ 12 ლარი, თანახმად სანოტარო მოქმედებათა შესრულებისათვის საზღაურის და საქართველოს ნოტარიუსთა პალატისათვის დადგენილი საფასურის ოდენობების, მათი გადახდებიანების წესისა და მომსახურების ვადების შესახებ საქართველოს მთავრობის დადგენილებისა (29 დეკემბერი, 2011 წელი №507) 31-ე მუხლის მე-7 პუნქტისა და 39-ე მუხლებისა.

1. ნიკაჭაძე სირაძე

ნოტარიუსი

ნ. ფერაძე

